

Publication: Burger, Die (Wes-Kaap) (Forum)

Publication Date: 23 Jan 2019

Page: 11

AVE: 18395.12 Circulation: 47400

Part: 1 of 1

Wat bedoel ons met 'n pleit vir gelykheid?

Godsdiens Aktueel

Nico Koopman



Fanjaar gedenk ons 'n kwarteeu van inklusiewe en konstitusionele demokrasie in Suid-Afrika. Die entoesiasme oor demokrasie is egter glad nie meer so gloeiend soos in 1994 nie.

Daar is verskeie redes hiervoor. Een van die belangrikste dempers is die diepgaande en groeiende ongelykheid.

In die Grondwet word gelykheid geskets as een van die kernbeginsels waarop die samelewing geskoei is. Sonder gelykheid kan demo-

krasie nie gedy nie. Gelykheid het verskillende betekenisse. Dit beteken dat alle mense gelykwaardig is. Mense het gelyke, godgegewe menswaardigheid. Mense geniet gelyke menseregte.

Menseregte is 'n instrument wat menswaar-

digheid bevorder en verwerklik. Dit beteken voorts dat mense gelyke toegang het tot die middele wat 'n lewe van menswaardigheid erseker. Dit sluit in fisieke middele soos water, kos, klere, behuising ensoyoorts.



Die mens se geneigdheid tot ongeregtigheid noodsaak demokrasie.

Gelykheid impli-- REINHOLD NIEBUHR

seer ook gelyke deel-name aan sosiale, ekonomiese en poli-

tieke prosesse. Gelyke geleenthede om jou potensiaal te verwesenlik is nog 'n belangrike vorm van gelykheid.

Die strewe na gelykheid wat die demokrasie bepleit, kan misverstaan word. Gelykheid is nie gelykheid in die absolute sin nie. Al kry mense dieselfde geleenthede, het ons verskil-lende kapasiteite en talente. Ons werk ook nie almal ewe hard nie. Hierdie werklikhede lei tot bepaalde vorme van ongelykheid.

Denkers oor geregtigheid en gelykheid beklemtoon hierdie genuanseerde kyk na onge lykheid. Die teoloog en kerkhervormer Johannes Calvyn redeneer egter dat daar grense aan ongelykheid is.

Ongelykheid kan nie net ongebreideld groei nie. Hy pleit dat ons te midde van hierdie byna onvermydelike ongelykheid na gelykheid, ekwilibrium en ewewig moet werk. In samelewings van ewewig is daar steeds

vorme van ongelykheid, maar daar is wel genoegsame ekwilibrium en ewewig sodat sommige nie té veel het en ander té min nie. Die ongelykheid in Suid-Afrika is van die

grootste ter wêreld. Waar ewewig in 'n samelewing só erg versteur word, kan demokrasie nie gedy nie, en word 'n toekoms van veiligheid, vrede en vreugde onmoontlik gemaak.

Die Amerikaanse teoloog Reinhold Niebuhr het gesê mense se kapasiteit vir geregtigheid maak demokrasie moontlik – en dat ons geneigdheid tot ongeregtigheid demokrasie nood-saak. Demokrasie help ons dus om onreg en ongelykheid te bestry, en ons het wel die po-tensiaal om geregtigheid en gelykheid te laat

Ten spyte van sy gebreke bly demokrasje skynbaar die beste weg na 'n samelewing van gelykheid en ewewig.

Prof. Koopman is 'n teoloog en viserektor aan





